



KOMUNIKADO PA PRENSA

Insel Air por hasi un petishon pa risibi un 'Air Operator Certificate' nobo

Willemstad - Outoridat di Aviashon Sivil di Kòrsou (CCAA) ta partisipá ku e "Air Operator Certificate" (AOC) di Insel Air ta kaduká dia 16 di febrüari 2019. Insel Air por kuminsá e proseso pa hasi un petishon pa un AOC nobo mesora i CCAA lo trata esaki mas pronto posibel.

Kiko ta un AOC

Un 'Air Operator Certificate' ta un sertifikado di outorisashon ku CCAA ta duna, na nomber di Minister, na un kompania di aviashon pa e por ópera komo aerolinea komersial. E AOC ta un konfirmashon ku e kompania ta kumpli ku tur eksigensha, nashonal i internashonal, i ta sigurá un operashon "safe".

Proseso pa risibí un AOC

E kompania mester kompletá un proseso ekstenso di sertifikashon conforme e artíkulo 10 di 'Luchtvaartlandsverordening' i e 'Ministeriele regeling nadere voorschriften toezicht luchtvaart-Curaçao Civil Aviation Regulations Part 9'. CCAA na su turno ta evaluá e petishon pa kontrolá si ta kumpli ku tur eksigensia pa e por risibí un AOC.

AOC di Insel Air

Insel Air su AOC ta kaduká riba djasabra 16 di febrüari. Na momentu ku Insel Air hasi un petishon nobo, Insel Air mester duna tur dokumento i informashon, pa CCAA por atendé ku e petishon.

Invershonistanan lo bai sinta huntu ku Insel Air pa asina yega na e siguiente pasonan. CCAA lo duna tur koperashon i asistensha nesesario na e proseso pa yega na un sertifikado nobo pa Insel Air.